

嘉定鎮江志

嘉定鎮江志卷七

宮室

丹徒縣

明應英濟公祠在焦山即焦光祠也聖朝祥符中感真宗夢始封明應公又親製詞以告今刻石祠內號御製寶懃元祐僧了元焦山十六題中有御製寶懃詩焦山晉濟院碑米芾文公名光字孝然漢高陽侯蔡邕贊曰倚數焦君嘗此元默衡門之下棲遲偃息泌之洋洋樂以忘食鶴鳴九臯晉亮君側乃召乃用將受衮職昊天不弔賢人遇患不遺一老屏此四國如何穹蒼不詔斯惑惜哉朝廷喪斯舊德恨此學士將何法則漢維既絕焦公同德作者孔聖後生不與易也去一千三百年英靈炳然感通著於祥符

聖製業履詳於魏文帝嘗銘石水清石白焦公之宅妙道
誰測能語而默俟河之清乃通帝夢殖殖瑤壇萬靈是擁
昭啓遠濁以祚道末公德不掌客必尊素擁徒繁御必以
風雨明德感神神應可呼勒銘津塗以肅寧夫教文万滋
以神有庇民之德為請於朝詔加英濟二字郡人蘇師德
記文在山中

樞使宇文紹節祠在甘露寺開禧丙寅敵騎紀儀真郭倪
自焚水州閩郡惶懼公力鎮靜賴以按堵郡人德之為立
生祠陳瑛記公薨設祭貢士姜瑩中文

李衛公德裕祠在北固山甘露寺蓋寺乃德裕所建而金
壇華陽觀亦有祠為元祐中林希為守既新甘露之祠又
馮德裕所著

文其五表卷二一
表二
以授緇徒俾與

佛書同藏今不存矣淳熙中建開時公之文見郡治

故相文簡向敏中祠在惠安寺

故相秀國公陳升之祠在五州山寺

故相魏國公蘇頌祠在因勝報親寺

彭山龍祠在縣東北三十五里

三賢祠堂在縣園

丹徒舊有孔子廟南魯郡寄治時立之齊晉安王寶義判
南徐江祀以南東海太守行府州事治下有宣尼廟久廢
不脩更開掃營立宋著令夫子廟為中祀春秋二仲上丁
行事廟在子城東南隅渡江初郡適當兵衝學宮壞為壘
舍紹興己未廟復毀守臣閻學程邁議建會州豪以浮園
氏之材來獻者於是庀工不數月而殿成內翰江藻有記

見浮溪集廟門榜額刑部郎官徐兢書壬戌歲守臣待制
劉子羽增創廟學始備郡人張扶有記御書大成殿牌開
禧間教官楊遜立大成殿自紹興己未革創至嘉熙己亥
歲月既久廟宇頽敝教官多拘於陰陽之說因循不葺三
山劉卿月到任首議興修會有金壇庄為豪民侵奪郡帥
吳文昌留中省歸于學米價稍穹遂度材鳩工費錢一萬
六十緡米二百石閏三月告成自殿而無自無而門表表
而之鼎新規模規舊為宏壯吳文昌有記

武烈帝廟在城南一里始為陳府君廟唐追封忠烈公校
書郎顧雲為之記曰圓蓋亭亭配乎上者星辰之與日月
方輿蕩蕩列於下者山嶽之與江河合主民而是謂三才
資品類而均為萬象至聰曰聖不測者神既分幽顯之殊

遂乃假人狀而共理所以在陽則有賢有哲幹運時權處

暗則為鬼為神主張陰陽其口可得言乎隨

依古刻書

政大將

司徒陳公諱果仁字世威漢太邱長之十七代孫也潁水

聚星引蔓於盤根巨蒂長城吞日分榮於玉葉金枝風神

高而鶴立松巔器局偉而鰭藏海底隣家就學邱兒且歎

於重生橋口留名天子終期於復出賈誼則年逾卅歲翁

歸則才本兼人丹閣上書金門應詔雕弓開而鵠裂鴻筆

奮而鸞驚玉片桂枝對天顏而夫喜繡衣聽馬下雲路以

嘶春時屬陳綬飛空隨旗誓野象泣於開皇歲末龍驕於

大業年中水調聲愁柳口輕籠於夜月迷樓香滿桃花口

落於春風萬書過而急甚飛星駕枕穩而誰驚醉夢以至

天開震動帝輦飄揚口頰甚縮於漳河鬼目奪生於建業

錄是長山盜聚大洞兵興樂伯通則狼戾秣陵妻世幹則

鵠張嬖水公以名光八絕語在德室法師所撰福業寺碑道若一正眉形

高隱於石稜龍尾曾集於電火元玉陵首金銀細之飛來

敵騎□圍鐵連錢之入去地窮奔穴衆怒投林俄成縛虎

之功遂降祝鳩之命天門公沆法興初傾款附末恣姦欺

烏頭暗真於酒杯俄歸厚夜青骨雅當於廟食廼啟藁祠

□薄□□神留故土像設宏開於武進威靈叢護於全吳

至若湘鷺羣飛西羊屢舞雲頭暗淡禾耳生倂南山垂欲

瀾之憂東海灔倒流之勢蘭脩一奠桂醑三傾滂沱之澍

雨絕岳倏忽之沉陰電掃其霧霖之神速也如此又若鷄

巢沉響蟻穴停封禹火燒雲薰風襲野土雨之精神愁悴

沉龍之鱗甲乾枯亟現陳辭蕭茹合奏遂上未容於傲饌

空中已見於翻盆其救旱之靈應也又如此變乾坤之舒
慘神效已多却封境之妖氛陰功更大皇唐乾符之二載
也突陣將王郾等六十九人以唐山告捷浙水旋師未及
賞功潛思怙亂劫庫兵而竊焚掠民產以紛披移蟻垤於
狼山倚黿舟於鼉海鉏耰合勢舉烈火以焚燒樓櫓乘風
駕驚濤而出入聚黨僅盈於萬衆連頭連陷於三州聖主
臨軒出神謀而制勝將軍推轂仗金鉞以專征尚書河東
裴公讀八千卷儒書學五十家兵法名光赫峻氣慍英雄
有金甌斗之殊恩負玉瑤壺之妙唱入則襲香棧而搖綵
筆批天子詔書出則提龍劍而臂雕弧主諸侯法令行開
玉帳坐鎮金陵澄精誠而願與冥通指廟貌而遙祈幽贊
神能長驅鬼陣高輔靈旗於蒼茫恍惚之間降雲物風濤

之助遂使吳戈雪閃倚袵長狄之喉越箭星流乃裂坐尤
之骨泊渠魁告斃餘黨乞降卽憑元化以成功遂抗飛章
而□□優詔尋加於爵賞鴻恩別創其祠庭地控金甌城
臨鐵瓮山分荆峴水接蓬瀛冠蓋雲浮西枕向吳之路松
蘿帳合南連招隱之亭邃宇摩空雕牆綠野翠瓦疊而瑠
璃色透彩椽排而玳瑁斑烘憲深則青鎖疎風樓迴則旋
題拂漢時或告人輟棹行客停鞍倚欄當濤雨晴初寓目
向丹楓落後霜馳足跡指茂苑於煙中黛染雙螺認海門
於大末堂嚴塑像廊立靈官渠氣貌以如主奮威名而若
殺雷公電母目閃爍以疑瞋鬼將神兵口囁需而欽語一
顧則精魂愕眙載瞻則毛髮寒生所以祭非嚴而自嚴神
不在而如在戢戢災流濮上盜掠江東孤城懷欲陷之憂

萬姓員倒岳之懼丞相司徒燕國公軍謀出衆儒術超羣
有岸上虎之雄名有人中龍之美稱名堪□□檄可痊風
落塞外之雙鷗氣吞沙漠挫口中之五鹿聲迴□圓以詩
書禮樂之兼才領征伐牢龍之重寄移從軍渚代撫吳民
前茅高舉於中途大敵窮奔於外境仰□□□未畢前功
將全締創之能更益增脩之美先是中開紺殿別坐金人
化廟木於祇園變初宮為淨土僧普應教傳西國喬紹南
宗心花墜□於空門忍草抽芽於覺□□□□偈則天龍
遊阿耨之池然指為燈則花而落菩提之木願以斧斤罷
弄丹腹停揮拂□□以求刊出殘毫而靖染雲也運籌無
補磨盾何能鐵錢將當於銅錢徒□□□下駟用齊於上
駟未吐良謀屬辭殊異於當仁承命敢陳於固避三言復

魯何酬樣吏之恩八字留題吏望中郎之華銘曰乾儀廣
大坤德幽元三光四氣五嶽百川陰陽莫測禍福難銓不
有神道誰分化權俾彼陳公挺生隨國志作臣範孝為民
則力遏鯨波手扶鼇極立立洪敷授留遺德狂童作梗上
將陳師陰兵助順戰卒乘時元凶殞命殘孽輸旗恩頒上
爵詔立嚴祠紺甃擊雲飛輦峨日振表靈座門開廟室凜
凜英氣堂堂偉質瑋礫硯毛頭蹲虎骨歌鍾雜當蓋蓋連
延酒有餘醑香無斷煙惟神是享惟禱斯虔安民護境以
永終天集古錄果仁終始事迹不顯畧見於隨書云唐初
為隋太僕丞元祐將場帝已過殺沈法興與果仁共殺祐
起兵據江表法興自稱總管大司馬錄尚書事承制置百
官以果仁為司徒其事止見此爾開元中僧德宣為果仁

記捨宅造寺載其世家頗詳而其功閭官爵歲月多謬訛
陵志宋仁晉陵人年十八舉秀才對策為監察御史隋大
業五年受詔平口口山狂寇數萬授東義尉後平江寧劇
賊樂伯通東陽婁世幹等隋主嘉之授大司徒公先娶
沈法興女大業末法興起兵吳興倚公為重後欲據常
州頗復相忌詐稱疾亟因公省問以藥毒之卒唐乾符四
年封忠烈公中和四年封感應侯淮南大和六年冊忠烈
王江南保大十年因與越兵交戰獲陰兵之助援蔣子文
故事冊武烈大帝徐鉉集有廟碑

徐偃王廟在城東南三十里又有廟在下鼻塘按韓愈作
偃王廟碑云徐出柏鬲為嬴姓偃王誕當國益除去刑爭
水事凡所以君國子民侍四方一出於仁義周穆王與楚

連謀伐徐徐不忍聞其民北走彭城武原山下百姓隨而從之萬有餘家偃王死民號其山曰徐山鑿石為室以祠偃王偃王雖走死夫國民戴其嗣為君如初其後公族子弟散徐楊間即所居立先王廟潤之有廟當始此英靈普獲聖惠秦江王廟在江下即下元水府廟也嘉泰元年加封按五代史楊氏據江左封馬當上水府寧江王采石中水府定江王金山下水府鎮江王而鎮江實為聖朝開寶所更軍額之北范鎮朱齋記事歲送金龍玉簡於名山三水府祠馬祥符初賜下水府廟曰顯濟元豐中僧了元住金山之龍遊寺見廟附憚林以為非便乃白郡開朝移於此自建炎焚毀大帥劉光世重創至紹興丁卯郡統制王勝重修進士黃俞為記歲久頽圯東西廊龍王二祠尤其

嘉定甲戌夏六月不雨可臣侍制史彌堅精意然禱嘉應
如響乃平羣僚致明重張脩葺不日落成崇壯軒豁見者
肅然動心記曰夫天用莫如龍龍之神有君象焉麟鳳龜
龍為王者嘉瑞麟以德鳳以儀皆不常見應以前知常見
而不常其靈惟龍之見在乎常不常之間其為用從雲而
降雨潤五穀成豐年生民之命實司於龍龍之功不可與
麟鳳龜同日語彌堅被天子命來守斯土無善政美化以
惠利其人兢兢然覲得一稔則可幸逃責迺今夏六月不
雨至於秋孟之十有一日苗則槁矣農以病苦齋宿而禱
於王祠祀吏訖事膚寸之陰起於祠旁次日亭午炎曦流
鑠獨焦山外江濱雲發墨冷風掠面如冰雪柴扉而龍見
於雲間水波逆立有聲上與龍接疾電震雷甘霖隨至霧

霽明越三日歲以大熟彌堅躬率秦吏展敬祠下以答神
貺顧瞻殿庭卑隘傾圯甚而復之遽除疎茅苔蟻延其
間升降之際心悉背汗私念神之所以死乎人者如彼人
之所以奉乎神者如此廟其不可以不新也於是改葺正
殿以妥安王靈為旁小殿二仍其舊以揚子二龍王配食
大門廊廡皆撤新之按舊廟始大於帥臣劉公光世又繼
以王侯陳張侯詔亞歲久居民抵冒蔽遮其前氣不宣通
則表而遷之築垣距江外則三門輦飛跂翼軒豁呈露驚
濤捲雪朝瞰其上江行陸走得以瞻仰是役也都統劉侯
元鼎實任其責既成爲饗則爲迎神送神之辭遣之邦人
使歌以祀無以忘王之賜辭曰中冷之東冽且清兮維王
之神仁且英兮五雨十風歲以成兮傾側天祚不憚勤兮

崇崇之宮安王靈兮桂酒馨香薦以城兮王其來歸福我民兮

嘉定鎮江志卷八

寺

丹徒縣

甘露寺在北固山舊竇瑒中李德裕建以資穆宗吳福

州

類集熙寧中主僧惠大因治北護德松所藏合時甘露降
刊並手記云創甘露竇刻以資穆宗之冥祐

此山因名乾符中寺焚裴瑒重建聖朝祥符庚戌有詔再

脩令轉運使陳冕佐擇長老居之宋帝竇晉集甘露寺碑

古詩集云寺壁有張僧繇四菩薩吳道子行脚僧元符末

為火所焚六朝遺物掃地李衛公祠手植檜亦焚蕩寺故

重重金碧參差多景樓面山背北為天下甲觀五城十二

樓不過是也今惟存衛公鐵塔米老庵三間故作詩悼之

有神護衛公塔天留米老庵之句多景樓記附地理類樓

觀梁時二鐘尚存清暉凝暉二閣廢有堂曰兩花間曰海門

永業寺舊在金壇縣東南二十五里後靖發額建在登雲門外二里

妙善寺舊在金壇縣東南四十里後靖發額建在通天門裏為都統司功德院中有祀中堂軍師平再遇列陣亡將士職位名祠之

紹安寺舊在金壇縣東南一十五里後靖發額建在登雲門裏

靖林寺舊在金壇縣東北一十五里後靖發額建在城西三十里高資市

崇祚寺舊在金壇縣東三十五里後靖發額建在鐵壩

招提寺舊在金壇縣西一十里後請廢額建在登雲門外楊李村

善業寺舊在金壇縣西北七里後請廢額建在楊李村
東安寺舊在金壇縣藤料沙

興業寺舊在金壇縣西一百步後請廢額建在丁角鎮南
景靈寺舊在金壇縣治東二百步後請廢額建在丁角鎮南丁村

幽棲寺舊在金壇縣東八里後請廢額建在胡村
外
梁廣寺舊在金壇縣東三十里後請廢額建在東利涉門

嘉定鎮江志卷八

嘉定鎮江志卷九

道觀

金壇縣

太虛觀舊延真庵在縣治南二里聖朝紹興十七年道士李善應造龍圖蔣璩書額淳熙十五年取廢額為今名

崇真觀在南洲去縣十里梁大同二年置隋大業三年廢唐宏道元年復建舊名金壇觀聖朝祥符中改今額陳昭德

宿崇真觀詩
見京一集

清真觀去縣十五里漢元壽初建賜額望德隋大業十三年唐天寶間復建聖朝祥符中改賜清真其大殿寶元間建梁朝道士邵尊師養道成功從以二虎歸隱茅山良常洞今殿前雙檜乃其手植左一株四輪數花而不實右一株

二輪不花而膏京口集有文惠陳克佐詩

集仙觀在縣東南二十五里金山鄉梁大同初置隋開皇末廢唐大歷三年重建廣明初里人張彥記

崇壽觀在縣西七十里遊仙鄉大茅山下華陽洞南晉真人任敦成道之故宅也宋元嘉十一年路太后始建壇宇太始中孔嗣重立以廬陵太守魯國孔胡之重立齊建元元年勅立崇元館太始中孔嗣重立以廬陵太守魯國孔胡之重立年勅立崇元館太始中孔嗣重立以廬陵太守魯國孔胡之重立山下亦有泉水其下可立靜舍近水口處乃佳德居云今近南大河口有流水而多石少出使平此世有來居者齊初乃勅為崇元則此觀是矣此唐貞觀初勅改曰崇元觀立館號為崇元則此觀是矣此唐貞觀初勂改曰崇元觀天寶七年李含奉勅重修元靜先生李含天寶七年李含奉勂重修勂重修元靜先生李含天寶七年李含奉勂重修遠孫思所撰碑陽此經書餘字漫不可識星朝大中祥符七年賜今名

□□觀與崇元觀相近梁昭明太子舊宅也任真君亦嘗居此其未有冬溫泉拍手輒涌起唐寶歷初於崇元觀南置聖祖院即其地也先是李德裕鎮西川製老子孔子及尹真人像各移潤州因將至此奉安德裕為記見本集聖朝治平中賜號鴻禧宣和初改今名京口集有吏部洪興祖華陽無掌來詩

玉虛觀在縣西四十里唐長慶中建曰靈寶觀聖朝治平初改今名

洞虛觀在縣西五十里陶村即梁陶隱居之故居隱居仙去遂為觀曰仙居唐長慶中石記在焉聖朝天禧中改今名皇祐時下大名從事郭震記

冲寂觀在縣西南三十里上元鄉梁朝徐道士捨宅為之

初曰宗真觀唐正觀中曰昇元聖朝祥符中改今名京口
集劉園南避寇有詩

遊仙觀在縣西五十里慶元五年樞密張釜請廢額建元

在縣西二十七里

廢觀元一十四志縣金壇曰延陵曰勝
仙曰正曰清龍曰朱我曰元符曰仙

真女冠曰幽巖曰通真曰尋仙曰福靈曰終靜曰
迎仙曰定仙曰靈終靜宋元嘉初建餘在梁置

佛院

丹徒縣

普濟禪院在焦山祥符園經不載始建歲月但云聖朝改
今名僧了元自序元祐三年春普濟庵之主者白太守楊
公乞居於此院舊有海雲堂善財亭

因勝報親院在府治之南三里唐大中六年建曰妙喜寺
南唐曰慈雲聖朝改因勝元祐中蘇頌拜尚書左丞請為

功德院乞以因勝報親禪院為額聖明有集賢學士黃庭堅開堂疏石刻云因聖得名舊矣報親自天錫之又云瓶水爐香終借松楸之潤晚猿夜鶴將從杖履之遊禮部郎米芾跋

昭慶報慈院在城西二里偽吳順義三年置曰延壽院聖朝改普慈蘇軾嘗有詩曰普濟寺後千竿竹政和間中書侍郎劉逵請為功德院賜今額

羅漢院在府治西南一里唐天復中安王_{召亡}其捨果園為之建炎焚毀隆興中講僧崇習重建塑五百羅漢像京口集有蘇軾羅漢院風猗軒詩

天王感慈院在登雲門表梁朝建

奉聖院在花山偽吳順義七年置因號花山院聖朝改今

名

惠安院在府治之西祥符圖經云本甘露寺下方洛院南

唐保大中自維揚迎旃檀瑞像於此聖朝改今名後廢文

簡公以欽聖皇后賜燕王有功德寺曰資福在開封南渡
初寺僧員其像至京口再創以廢額揭之向氏存紀并文

祠像
在焉

報恩院在城南一里本烈帝廟唐乾符中於院南別創新

廟而故廟為報恩院

福田智果院在登雲門外元符末文肅嘗布初入相請建

寺墳院賜今額

安聖院在登雲門裏紹興中始創小庵後建為院取安聖

廢額揭之

黃杜普濟院在城西南二十里偽吳乾正三年鎮海軍司

馬府城都軍使徐知誅建曰資福院祥符四年改今名
海會院在城東南一十五里舊曰尊聖院祥符圖經不載
始建之時寺僧云天聖中改今名
登雲院在城西北二里唐建聖朝改為惠安今城中亦有
惠安院

顯慈院在五州山熙寧癸丑改相陳升之再入為元樞建
宇靖院靖於朝賜今額寺舊在山之腹升之手自裁定曾
文肅布與客王律曾遊有詩並見京口集注云曰觀卧雲
山中絕景建炎兵火寺徙於山下非丞相自定舊基

顯慶崇福院在三里岡

顯孝集親院在城東北六十里圖山下之下內有駙馬錢
景臻像舊名朱霞寺後改今名

靈建院舊在金壇縣東南二十五里後請廢額建在東利涉門東

寶城院舊在金壇縣東北一十八里後請廢額建在登雲門外二里

黃堂道院今為仙台觀在縣南二里是為譙姆飛昇之地
譙姆者字曰嬰常居金陵丹陽郡之黃潛脩至道吳帝時
行丹陽市中逢三歲孩子執姆裾曰我母何來姆哀而收
育之既長明穎孝敬所居常有雲氣姆異之謂曰吾與汝
暫此相因汝以何為號也子曰昔蒙天真盟授靈章約為
孝道明王請以此為號可乎遂告姆脩真之訣已而辭姆
飛騰姆悉脩道法積數十年人無知者至西晉末許真君
遊吳真君猛遽詣丹陽來授道法姆曰若等仙名在天昔

孝悌王降兗州曲阜蘭公家謂公曰後晉代當有許遜傳
吾此道是為求真之長留下金丹寶經銅符鐵券令公授
吾使掌之以俟子有年矣吾復受孝道明王之法亦以孝
為本今來矣吾當授子乃登壇依料盟授出銅符鐵券金
丹寶經并正一新邪之法三五飛步之術諸階秘訣悉以
傳付許君願謂吳曰君當返師之也許君心期每歲來謁
姻妯覺之曰子勿來吾即還帝鄉矣因取香茅一根南望
擲之曰子歸認節返處立吾祠歲秋一至足矣語訖忽有
雲龍之駕來迎凌空而去今新口豐城二縣界有黃堂觀
乃真君訪飛節之跡倣丹陽黃堂壇而立祠京口集邵彪
有詩

丹陽縣

廣福院在縣東北五里祥符圖經不載舊曰觀音院聖朝
天聖間有僧來掛搭相傳以為每出緣化則常誦真揚回
日見之因號四世界後有高僧言四世界者日光菩薩也
僧聞之即趺坐而逝治平末賜額為壽聖隆興中改今名
院有玉乳泉三字文惠公陳亮佐書餘見井泉故相劉正
夫元祐中罷儀真教官過之留詩後人立石院內

嘉定鎮江志卷十

學校

臧濤傳高祖鎮京口與熹書曰頃學尚發死後進類業衡
門之內清風報響良由戎車屢警禮樂中息浮夫近志情
與事染豈可不教崇墳藉激厲風尚此境人士子姓如林
明發搜訪想聞今純然荆玉含寶要俟開瑩幽蘭懷馨事
資南校獨習寡悟幾著周典今經師不遠而赴業無聞非
唯志學者鮮或是勸誘未至耶想復宏之夫高祖開創之
初猶以宗學肄業為急可謂知本矣 臧榮緒純為好學
括東西晉為一書記錄志傳百一十卷隱居京口教授南
徐州為愛五經序論嘗以宣尼生庚子日陳五經拜之
諸葛璠世居京口大監中太守蕭琛刺史安成王秀鄱陽

王恢甚禮吳馬陸勤於誨誘後生就學者日至居宅狹陋無以容之太守張氏為起講舍旦夕講誦不輟時人並以此宗之 御書殿在大成殿後守臣聞學劉子羽建自紹興終亥以後累賜宸翰有易書詩孝經論語春秋左氏傳又書之周官篇禮之中庸及孟子樂毅論羊祜傳先聖贊七十二賢贊法帖手詔揭齋記總五十四軸皆墨本又有裴度傳嘗賜宰臣張浚浚董師江上立石於此 張扶重脩學記曰鎮江有學始於太平興國五年冬柳開自常移潤八年秋乃發舊創新告遣夫子之廟其顏子孟子以下門人大儒之像各塑繪配享於坐既成刻石紀之且言潤在江南為上郡有孔子廟當偕偽時閤法莫或崇葺之則知五代以前固有之也賈元中范文正公仲淹載新廟學

置田養士迄今賴之因立祠殿庭之後左丞王存為記元祐中文節林希既建議堂乃於其後復建三鱣堂為教官退食之所舍法行士日益衆繼以增置宣和間延康毛友又一新之仍舊者廟及二堂而已建炎初學舍盡廢而為倉因獨留廟宇以處士雖經兵火幸不及焚已而又為屯兵所據倉官又撤其餘以營廨舍紹興三年端明胡世將復取之因陋就簡稍加補葺以來學者然舊學仍為倉諸生所舍者廟廊而已又五年寶文亭謨請于朝取講堂於倉兩廡之屋十亡六七其所存者又皆頽圯又二年廟圯於兵火講堂焚撤幾半下間程邁即日先治堂舍以處諸生倉卒趣耕僅免風雨次作大成殿未及成而趨朝乃度所用舉而昇之學闕二政雖各以羨餘助脩費而財力弗

文終不克集時制劉子羽視學之初即有意興復會南北
兵腹乃興役凡廟宇學舍之未立與雖立而未及成者下
至庖廡之所皆具惟是講堂之弊三鱸堂之廢未及修建
越數月悉告備焉為堂屋架大小若干間費役一出於
公而邦珍之民弗之知也先是守臣閻學毛友嘗撰學記
止及宣和以前扶登載雖詳然未嘗立石

祭器五百餘事淳熙甲辰守臣秘撰耿秉依儀式鼎造獻
官及諸生之執事者皆為祭服四十餘襲藏于庫祭器庫
舊在西廊祠堂之後淺隘卑濕祭器易損嘉熙己亥教授
劉卿月移建祭器所於戟門之西范文正公當寶元初以
吏部員外郎守潤州始建學靖賜以閒田具經史傳疏諸
子書聘江南處士李泰伯使講說以教養其州之子弟率

五日一視學躬較以文問設飲食延勞獎進之士翕然興
於學民相勸趨於善邦之人士深德之立祠於學莊定公
王存有記後教官表乎為之廣其祠先是范文正公有
祠繼而蘇魏國公頌王莊定存陳殿撰東以鄉之先賢皆
附祠漫塘劉宰有記東坡先生塑像舊在都統司不知
何年移入郡庠風雨漂濕塵埃蒙積遺像裝味教官劉卿
司重為修飾安奉於大成殿後東廡嘉熙乙亥大成殿畢
工制置吳文昌潛給木材命教授劉卿月鼎創祠堂分為
三間東以傳道之統源漢明道伊川橫渠晦庵南軒東萊
繪像為一祠中以鄉先賢蘇魏國王莊定宗忠簡陳殿撰
為一祠西以前郡守京史柳公開文正范公仲淹直院錢
公彥遠康節張公昇禮部員外郎楊公傑大學毛公友少

傳劉公子羽為一祠以己亥季秋初六日壬申興工仲冬
之七日迄役度材之外費錢五千緡米九十石吳文昌有
記 忠簡宗公澤寓居於潤廬于京峴山志誼凜凜有功
王室教授方符以其文集刊于學卒已千章益國公喬少
傅持憲節兼郡事始為立祠教授劉卿月作記 程待制
邁嘗修學董秘閣年沈簡肅復創貢院錢文惠良臣撥場
椿沙田萬畝鍾創貢士人遂為立祠舊附于范文正公
堂今移在御書殿之西無口學門教官袁孚以規制未備
撤而新之 講堂在大成殿之東舊榜曰半宮今為成德
三禮堂在成德堂後楊古史邁書扁 東西廊有正錄直
學學諭掌計位志道據德居仁由義四齋齋各有楹亭
縣學在成德堂之東紹興間縣令趙學老重建教官吳武

<p>陵記文在丹徒縣治 學度在我門之末經史子集儲於</p> <p>成德堂之右分六厨取禮樂射御書數揭于上監書教官</p> <p>費壩印置 公厨嘉定乙亥從於成德堂之末縣學之側</p> <p>麟鳳碑在講堂間乾道壬辰春教官熊克因閱漢碑取麟</p> <p>鳳二瑞圖而贊曰麟胡為來有王者起曠代一復嘗狩漢</p> <p>時聖賢感之經絕史止于嗟麟分維其時矣有道則見鳳</p> <p>何為藏儀韶鳴岐千載相望逮時之衰歌聞楚狂德備舜</p> <p>文覽輝其翔<small>朱芾文云又有一麟鳳圖年豕半祥以九字</small></p> <p>太宰河內祿君見碑不合謹錄重造其銘辭曰漢武德中</p> <p>興即此二年半百之節首歷四十青龍起云士又一云天</p> <p>有奇焉命曰鳳皇時下有德氏石圖昌號龍嘉木皆不隱</p> <p>漢德魏魏永市宣揚天有奇哉召曰麒麟時下有德安</p> <p>國民富志臣竭節義以脩身開口來善明明我君麟狀一</p> <p>角直下高如足起如惡為鳳冠高毛長甚可珍也今以</p> <p>所載漢碑<small>四年</small>教官陳德一易之以其語以龍龜麟鳳四靈</p> <p>登之慶元四年</p>
--

圖贊教官劉卿月甲午歲得於應天之府治今摹刻於大
成殿之西廡麟鳳二贊與熊直院所傳一同不復書龍之
贊曰或潛或躍龍稱其神炎飛在大易况大人名師命紀
瑞應昌辰類孰從之祥風慶雲天下有道下泮泉在學

之西守臣侍制林希所鑿後因濬得石刻泮泉二字教官
楊邁為刻并亭榜以篆額李西臺詩為迹圖在講堂北

壁荆國文公王安石手帖并潤守許連詩在東壁學官

元日上已郡有會諸生之禮自守臣殿撰曾逮戶侍張杓

始秘撰取象又於元日為刻文以厲諸生至今不廢又曰

以上出行於元日何也意者曰歲律又新吾儕之出益不
以去歲而視前歲德蓋進否策補修否若猶未也年不
歲月之盛慶入則事父兄出則事長上去年歲之所已
德之于心如有未至則自今已往安可復以去年之
事之者事之乎三綱五常之訓非吾儕踐履而推望邪
學將以中則學期於壯行一歲之間所踐履而推望邪

所悟入者何語所益於身中而期以純之者何事後止可
畏焉如來者之不如今母慮過使主之純而疑之者不
是之境當于四吾日三省吾身而後去其不肖之者而
之也又非欲其若何而可為文詞也事親從兄當以何
以為士非老非釋若何而可入道遠往命之理何如而
為法希聖慕賢當由何門而入道遠往命之理何如而
治亂興衰之政何由而達考之古以爲得夫之理何如而
以究國華之宜此士之所當用心也自孔堂而弟子之勤
問仁問智問孝問政問人委之著為成書以詔萬世則固
後世之士不遠遠矣僕雖羣衆居而蔽其習則固陋矣
僻無自而進於道聖人委之著為成書以詔萬世則固
樂也升堂而講習以立師儒之官以董正之此則設學
所蘊今不惟職事勤之以具與之文具而發之矣故官
導之外無他職事勤之以具與之文具而發之矣故官
子既仰副之聖天正至拜會之禮所以重齒貴德也嘉定癸酉
散官盧憲集台府官屬及寓公于學宮款謁先聖禮畢升
堂而拜叙拜而飲諸生序于兩廡守臣待制史彌堅總領
錢仲彪捐金饋醴以侑今為常祀

常平沙田在大慈鄉四頃二十八畝元係翟氏沒官田紹興辛亥教官譚良顯申常平司乞撥入本學常平使者徐誼樂從所請給據為業歲輸於官者夏有羅綿鹽錢三色秋有常平租米三十二石租錢一百四十貫文寶慶間風潮衝坍埤填刺入新園除溝埤外止存三頃九十畝而輸官如故至嘉熙丁酉安遠所拘收聽就本學承佃徑於是年每畝添作三斗起租送納安遠所一時勉強聽從以三斗解納每年一百二十石本學遇熟已無所得一有水澇未免陳乞減放是歲無補至戊戌又行下每畝再增三斗教官劉卿月中省乞照舊額得提督財用局回報增租只為豪民非為學校已免增訖至己亥夏提督官改違省吏又行下增納續準指揮司所申每畝只納四斗

烏烟沙在丹徒鄉走埝不常於嘉定年間判府兵右司任
內退佃還官見有主管司黃通判免催租錢公文在學庫
照應

金壇縣田舊管三萬餘畝為縣學并豪戶冒占外止歲收
租米四百六十餘石夏秋租錢玖百餘貫至紹定庚寅守
臣兵侍趙公范任內有以金壇田告者檄委郵路分堦核
其入每畝俾量增一斗租以贍士事未竟會移鎮維揚軍
器監丞韓公大倫繼守是邦命林比較根括其間有移增
米之家轉而增錢自後所得田以畝計之一萬五千一百
有奇歲增租米九百二十石有奇錢九百五十四貫有奇
租絲八兩有奇租麥三石九斗有奇紹定癸巳洪中書咨
變為之記

金壇縣登萊鄉十七都有學田一千四百八十一畝紹熙間王淳佃作慶元五年平江馬諒私於王淳家交佃就金壇縣計會作買到民田給據緣所收甚厚學租不多嘉泰四年張播等爭佃馬諒男彥明情願增租寶慶三年李大諫幹人何端義爭佃增米五十石錢一百五十貫焉知府多福任內遂勒馬彥明退佃後來爭佃者紛紛何秘監處久中省拘入本學自行耕作以絕爭訟歲收一千一百餘石內撥二百石入貢士莊為三年勸駕之費馬彥明累次經省部運司陳訴謂自貢民田為本學據奪送下本府知府桂少卿如琥吳閏學淵兩次申省照何秘監所行本學已收自租三年嘉熙二年七月馬彥明又經朝省進狀送運司定奪運司無聽擬將六分還馬彥明四分助學養士

教授劉卿月以其事乞求申府蒙吳侍郎沿主盟追上馬
彥明送獄備申朝省嘉熙三年五月省劉照本府所中事
理行焉彥明從條科斷素皆詳見石刻在講堂之西

丹徒縣薛村田一頃一十四畝二角元係羽流宋其姓者
之田後沒於官嘉泰甲子守臣辛待制奏撥歸本學本
學有房廊地畧四畝曰掠房地錢每日三貫九百二文月
收地錢二十二貫五百二十二文其房錢數內有典屋三
戶每日收一貫六百有奇係教授任褒然置到

建中靖國庚辰歲末節為連水軍使子友仁來赴舉京口
時場屋在登雲寺淳熙初貢院猶未創大比試于郡學及
先聖廟而無徽棘軸再補葺之以為病歲次丁酉守臣簡
霸沈夏鼎建在府治之東索凡八十六楹總領趙恩有記

其後文憲陳居仁增廣之廊廡回環通一百一十五楹南
廊三十八北廊七十七足以容多士詳額十有七人乾道
間應舉者以千計今文風日盛應詔之數倍之貢士錢慶
元三年有浮圖氏陰占沙田豪民兼并廬地太守萬鍾稽
檢得實以屬之郡每歲協管儲之三年凡六十繕以待賓
典助其入京新貢百千恩免半之過省百五十千宋子武
舉三十千餘悉供秋闈教官陳德一有記嘉定間寺僧詞
訟不止郡守欲絕其爭始將上項錢歸之府不復以助貢
士金壇有羽流沒官田歲租二百餘石送學貢士未幾金
壇士人爭歸之縣學貢士禮不逮於前端平間有沒官田
在長樂鄉上塘村歲收米十九石九斗有奇錢十貫有奇
麥八石三升有奇何秘監處久撥送本學奉助貢士之費

令項椿管別歷收支三年所積不多隨宜供送而已金壇縣登榮莊為馬彥明強占爭佃紛紛至於朝省端平間何秘監處久中省取回本學每年撥二百石為勸駕用馬彥明互訴不止嘉熙三年運司僉廳欲撥還馬彥明劉教授卿月申漕司力爭吳尚書潛中省仍舊以二百石為貢士莊今三歲所收稍豐士與計偕津送增厚

□□縣

祥符圖經載夫子廟在縣西二里是時尚未立學蓋州縣立學自慶歷始崇觀以後附在郡學宋隔今之縣學乃紹興丙寅年趙學老創教官吳武陵記立石在縣治西無乾道庚寅年韓元志曾修

□□縣

祥符園經載夫子廟在縣治東偏慶歷中依廟為之元堂
初鼎建縣尉王致亮刻石記其畧建文焚毀惟存大成殿
殿額篆政元御書紹興壬戌令吳范建講堂明年劉長民
又作兩廡及齋舍乾道己丑陳玠重建獨殿仍舊東西齋
六曰求仁曰好義曰隆禮曰篤信曰敬忠曰敬和

□□縣

祥符園經載夫子廟在縣治東其後依廟建學陋甚紹熙
初宰李采重建堂曰明倫閣曰尊經齋舍器用俱備晦庵
先生侍講朱公素書額求嘉業適記邑人漫塘劉宰書至
嘉定壬申采子瑛來貳郡軍唐士列立石

申義書院在埭墟前太府寺丞張錫參政文簡公綱之孫
以其居去軍序遠因建書院招名師合族之子弟教之且

甲士敢死士咸通五年龐勳陷都梁城平璩言於泗
洲刺史杜口請出求救於淮浙閏月甲辰至潤州見鎮海
節度杜審權審權乃遣押牙趙翼同璩將甲士二千人救
泗洲浙西軍至楚州未進璩曰我請為前鋒乃募選軍中
敢死士數十人迎賊死戰揚旗鼓譟而前賊見其勢猛銳
避之

後樓兵鎮海軍節度固賓募兵號後樓都子璵統之
不能御軍伍橫肆虐給倍於鎮海騎不可制

凌波軍南唐竊據每歲五月許民競渡藉其姓名盡蒐
以為兵號凌波軍盧絳以功授凌波軍都虞侯吳越兵圍
京口絳率所部舟師突長圍來救

新舊水軍營祥符間經載舊水軍營新水軍營並在州

治西北三里舊營乃南唐故跡新營祥符六年詔立營廢
久矣

都巡檢營廨 長編大觀元年十二月御筆江浙之民輕
楊易搖盪竊間作承平日久兵弱勢單一有警急無以制
禦阻淮帶江不可不防可相度於杭越之錢塘西與楊潤
之瓜洲西津淮口之時貽臨淮各置都巡檢一員兵給二
百人刀烹船五隻各於江淮岸側置營廨屯守分部地界
凡沿淮巡檢悉隸之以時巡察姦盜

汰冗兵 紹興元年夏四月浙西大帥劉光世一軍月費
錢十六萬米三萬石辛卯上問宰執幾何可以贍足范宗
尹以其數對且曰若汰其冗而留精兵三萬可以足用上
曰侍作手書與之直示朕意

募敢戰之士 四年十月冬知鎮江府沈晦過關言大將
與帥臣各有所職若全倚大將恐不能辦逐年杜充總大
兵在建康而帥臣陳邴光不為措置及充迎敵而邴光被
繫以至周望去而湯東野逃邴仲去而李鄴降皆坐此也
望撥零兵二千付臣併令臣募敢戰之士三千參用昭義
步兵之法期年後京口便成彊藩東晉嘗謂京口兵可用
故北府兵號為最精唐亦用宣潤弩手平淮甸時方以韓
世忠屯軍在府其言不用又乞促張浚統兵為世忠之援
時事執皆稱晦議論激昂

赤心奇兵兩軍 金左監軍撻辣居卬州而其衆尚留陳
楚浙西大帥劉光世守鎮江欲携貳之乃以金銀銅為三
色索其文曰招納信寶復金人則燕錢而遺之未幾踵至

得數千衆皆給良馬利器用之如華人因創赤心奇兵而軍頗得其用

防江軍 開禧二年冬楚州申敏紀清河宜備江面奉旨令閤門陳煥因守臣待制宇文紹節措置防江本府招募能水武藝効用并廂軍共一千六百人充本府防江水軍又調撥都統司温州福州防秋把隘海船四十五隻及勸募船二十七隻招到梢碇水手八百餘人通二千四百八十餘人辟差統領將佐措置軍器衣甲屯駐焦金山一帶防捍江面與都統司人船編排字記於松江上連下接各擇緊要隘口地分防守至開禧三年五月奉旨以二千人為額以鎮江府駐劄御前防江軍為名蓋額人數仍舊遇闕銷數其統領將佐官兵並泊焦山時未有營壘也守臣

趙師襄於石公山之末起蓋一千三百間置牧場以練士卒軍伍既成續江面平惠將海船并梢碇水手中朝廷給據放散至嘉定六年八月樞密院劄下總領錢仲彪都統劉元鼎將防江見管軍兵九百八十九人及衣甲軍器等並撥付都統司水軍及諸軍收管其統領將官照江上離軍恩例與添差在外差遣一次

防江軍衣甲器械防江軍既隸大軍凡本府素來自備衣甲器械併行撥去嘉定甲戌守臣待制史彌堅請於朝謂州兵自古有之今招填關頭禁軍方議練習而軍器闕然是州兵無用也欲乞給還器械並募屋充本府禁軍練習止使用二月樞密院劄下都統司盡數撥還今本府具已拘收數目申元發往都統司軍器

錢甲一十一十
制在九刀五十九

不與

威捷第四指揮額管全糧五百一十人見管大小五百人
全糧三百二十六人揀中二百九十六人隊外三十人判
員小分一百七十四人闕全糧一百八十四人

全捷十八指揮額管全糧四百人見管大小分二十九人
全糧二十四人揀中一十五人隊外九人判員五人闕全
糧三百七十六人

威果三十六指揮額管全糧五百一十人見管大小分一
百三十人全糧一百二十二人揀中一百九人隊外十三人
判員八人闕全糧三百八十八人

威果六十二指揮額管全糧四百人見管大小分一百六
十四人全糧一百四十四人揀中一百四十人隊外四人

刺員二人闕全糧二百五十六人

雄節第十指揮額管全糧三百一十人見管大小分三百

二人全糧二百八十九人揀中二百五十五人隊外三十

四人刺員一十三人闕全糧二十一人 禁管在府治之

西

廣固指揮 舊有廣固營在西夾城內廢久

廂軍 崇節指揮 會要熙寧元年十二月樞密院言廂

軍近已團結教閱武藝欲給咸遠京西路軍額請受以州

軍大小定人數自三百人至百人仍改軍額內兩浙曰崇

節並加教閱二字於軍額上從之 四朝史志四年樞密

院言諸路廂軍名額猥多自騎射至步城凡二百二十三

其間因事募人團立新額而教閱廂軍併為一額餘從省

發其移併如禁軍法奏可遂下諸路以州大小高下為序
每指揮毋過五百人內兩浙曰崇節

兩軍半城元額管全糧三千四十六人 嘉定癸酉秋止
管四百餘人至乙亥春簡核陞黜之外禁軍改刺丁壯新
招共得七百三十人分隸雜役

崇節十三指揮額管全糧五百四十一人見管大小分一
百七十人全糧一百六十五人半糧五人闕全糧三百七
十六人

崇節十四指揮額管全糧五百四十一人見管大小分一
百四十五人全糧一百四十四人半糧一人闕全糧三百
九十七人

崇節十五指揮額管全糧五百四十一人見管大小分一

百七十四人全糧一百六十八人半糧六人闕全糧三百七十三人

崇節十六指揮頭管全糧五百四十一人見管大小分一百八人全糧一百六人半糧六人闕全糧四百三十五人
牢城第四指揮頭管全糧四百四十一人見管大小分七十五人全糧七十人半糧五人闕全糧三百七十一人
牢城第五指揮頭管全糧四百四十一人見管大小分八十一人全糧八十人半糧一人闕全糧三百六十一人
威輔堂 舊教場在夾城西長巷內規撫罕狹而則沮洳軍士不足以容守臣待制史彌堅徙於石公山即防江軍教場也去城八里與焦山相對東西闊四十九丈南北長五十六丈鼎創將臺射亭一十九楹名曰威輔取威武文

德輔助之義春秋禁旅散閱於此

止戈亭 亭在郡治守臣曰閱士卒之所分禁旅為六隊教以武藝每五日課射給犒而教屬之亭初成待制史彌堅記曰皇朝以禁兵分戍列郡措意深遠厥後番上之制寢墜郡各因其舊數為額闕上招募雖稍戾本指然壯侯蓄以衛王室以威不軌以定民志猶初意也京口實江表形勝余至郡席未暇暖簡核軍實視故籍不能五之一而工技擊者無百人問諸老胥舊校則曰中興以來是邦屯駐大軍不賴州兵為重故兵備寢以單弱今糧薄不五百人而疫羸且十六七率為他役死占開禧兵募起守臣嘗請諸朝置防江軍已而尋盟則防江軍改隸都統州兵不振有自來矣余心惕焉以為築城鑿池効死弗去誰實任

貴而兵顧如是可乎則按籍都閱立格去留黜侏儒者降
廂卒而廂卒之強壯者陞為執他役者還隊伍而羸弱廢
曳者退為其存者不十之三則又散募子弟丁壯合舊兵
得八百人先是閱場直子城之西列屯之後地濤下雨輒
渾渾且回僻為守者不得朝夕視教習持具丈耳余暇日
行郡後荒園默計可為小射亭則築垣畚礫除而抵之又
言上于朝謂防江軍雖發其器械營舍宜歸之州家朝如
請下統司次第給還既又按行其營拓舊閱場立堂五間
扁以威輔為春秋蒐獮之所而小射亭則以止戈名之分
新軍為隊隊各百三十人置部口六員其中胄房箠之屬
則創庫以藏隊別其號以便於給約間五日角射御教陣
法決拾坐作候正金鼓頗漸諳習頗精能激情兵不可以

無賞日引月長賞不可以不繼通都之屠務有遺利歲可
得七千婚儲以給賞司費六十萬錢而鼓角旗幟皆瑱亮
而精明之某旅訓齊則又練巡尉之兵創徵邏之卒使之
嚴扞柵而肅警捕越明年秋大閱威輔郡之軍容稍稍改
觀余退而思之佳兵者不祥之器而天生五材誰能去兵
吾夫子嘗聞組立之事矣而又曰我戰則克蓋思患豫防
有備無患兵之善志也今天子以禮樂治天下何事於兵
而思戇書生又非能知兵者區區志念特以謹侯度迷所
職耳乃若填剌未及改藉則必得尺度如格不敢便文自
營於以待後之人庶幾盡復其舊故記其畧於止戈而聞
其事於朝省其凡目則載之案牘及圖經云

巡鋪 初廂無巡鋪官無軍巡待制史彌堅謂濱江為郡

軍民錯處戡茲殄暴宜不若是疎乃于五廂江口鎮創置

巡鋪二十六八所以二十八宿為記鋪各廂軍二名專充巡

徼東西廂五鋪第一鋪在小市東角字記第二鋪在甘肅寺字記

字記第四鋪在土橋巷口心字記左北廂五鋪第一鋪在千

第二鋪在張公橋吳字記第三鋪在嘉定橋牛字記

第四鋪在朱方門外牛字記第五鋪在長橋女字記左南

廂五鋪第一鋪在梁道橋虛字記第二鋪在遊英軍前

在屏風巷字記第五鋪在右南廂五鋪第一鋪在張師在

人橋胃字記第三鋪在西花園前昂字記第四鋪在右北

右軍小寨前平字記第五鋪在東臥前前字記

廂五鋪第一鋪在郊家宅前參字記第二鋪在楊樓前

馬修巷柳巷字記第五江口鎮三鋪第一鋪在西北二鋪在酒

在豐土山粉字記第三鋪

文國巡鋪 文國俗分大小名之地勢繁迴岐分山脊相

距曠地行者端端熊叔茂詩僻疑昏有虎靜怪曉無難謂
此地也司臣殿撰宇文紹彭創置六鋪分撥邏兵舟行陸
走藉以無恐丹徒縣界小夾岡三鋪第一鋪尉司弓手
五人第二鋪司弓手
五人丹陽縣界大夾岡三鋪第四
鋪司弓手五人人存者無十之一司臣侍制史彌堅奉旨募渠堰開落成
乃募強壯會水者三十人籍為兵開官統之及於上開東
側剽寨屋四十楹充開兵居止

土軍弓手

丹徒縣西津巡檢司土軍額管一百八十人見管九十五
人開八十五人

尉司弓手額管七十五人無開

圖山巡檢司土軍額管一百八十人見管九十五人闕八十五人內分撥節輪江巡捕三十人先是嘉定四年守臣待制傅伯成準樞密院劄子為江淮制置使司申措置把截私販海湖舟船事到付本府日下措置或令移防江軍於圖山石碑街要去處屯駐專一教習水戰及與兩寨同共防禦本府遂措置海船選差防江官兵調撥軍器於界內把截外條陳于上曰圖山去本府水路百里石碑又在江陰之下去本府水路三百六十餘里節制非便縱使無此利害圖山石碑正緣根盤膠固囊素為姦今移置此軍將來恐又生一圖山石碑非能為益欲且從舊焦山置營有合更戍處具於後圖山之下約水路百三十餘里有小河寨屬常州小河至中港七十餘里有中港寨由中港至

江陰三十餘里由江陰至石牌十八里有石牌寨皆屬江陰軍置寨之所皆係控扼要害各有巡船若使寨兵用命私販及盜船無有不獲相承為姦事非一日團山小河之間又係本府及常州兩界首每遇盜發巡尉互相推托少有捕獲其地有包港一處劫盜之所出沒其外新沙居民頗衆又其下則有焦子門兩山地勢尤險今相度欲於包港置寨屋五十間防江軍更戍一百五十人將官一員三月一替仍撥船三隻分番在船泊於沙岸又於團山撥六十人船兩隻同共防遏蓋兼用兩寨則無與盜交通之弊分番更戍則無根株盤固之患實為利便其小河申港等處事屬他郡恐別有便利亦乞從朝廷行下本處相度是年六月十九日奉旨依至六年八月防江軍撥隸都統司

後止差團山寨兵三十人

丹陽縣 尉司弓手額管一百二十人見管一百三人闕一十七人

延陵巡檢司土軍額管七十七人見管二十六人闕五十一人

經山巡檢司土軍額管九十六人見管八十一人闕一十五人

金壇縣 尉司弓手額一百六十人見管九十五人闕六十五人

乾道六年鎮江都統制成閔奏制軍之額貴得其當古人自五人為伍伍伍為兩積而至於為師為軍有定數未嘗紊雜竊見鎮江軍馬往年係遊奕選鋒前右中左後水軍

八軍後來沒發遊奕選鋒併作六軍本路屯駐額管四萬
七千人除招填外□□□□千人其餘五軍或多至九
千人或少止七千人每將或多至三千人或少止一千人
非特多寡不同而亦隊伍不齊臣今欲將水軍以五千人
為率分作三將餘每軍以七千人為率分作五將每將各
據所隸軍分均撥隊伍將見隸諸軍親隨使臣衛兵合併
作一處乞奉置遊奕一軍如此則軍伍齊整親督教練第
其能否以別勤怠自然上下相維小大咸勵軍政修明可
責戎効兼鎮江諸軍兵將所部軍伍多寡不同所定員數
參差不一皆是前後帥臣一時差補即無正授付身苟且
因循何以激勸臣欲乞每軍差統制官一員統領官二員
每將差正將一員副將一員其各用準備將緣本司路當

要衝每歲護送 國信人使分遣淮東諸州防托及沿淮
巡檢揚州牧放差使之類皆要有心力將官部轄每將欲
差準備將二員上件兵將官已從本司銓量保明申朝廷
正行給降付身日後有所補差並依此例五月二十四日
奉旨鎮江府駐劄御前諸軍以前右中左後水遊奕七軍
稱呼水軍以三將餘軍以五將共三十三將統制官以七
員統領以一十三員水軍止差統領一員正副準備將各
以三十三員為額內受朝廷付身及本軍差權二年以上
並特與正差未及二年人且與權差候年限及取旨與差
仍令成閤開具合差人數職位姓名申樞密院 前軍寨
范公橋一普照寺下一石 右軍寨 西門外一門一經
頭巷一天慶觀巷北一石 西門外一門一經
家灣一苑 中軍寨 仁和門外東河村一 左軍寨
水坊鋪二

鷄林門表外二遊後軍寨長海門一水軍寨洗馬橋一

門一金遊奕軍寨光孝觀前一鷄林門外一子使縣前

仁子後門表雙龜兒寨百一十二間前軍大寨三百二十二

間前軍小寨六十間後軍寨二百二十七間中軍寨

二百一十間都統衙中軍寨六十七間左軍寨二百

五十九間左軍寨五百四十八間右軍小寨九十三

間雄江右軍寨三十二間雄江左軍寨一百一十七

間遊擊軍寨三百六十二間總効軍寨二十四間

遊奕前軍寨百八十八間遊奕後軍寨六十二間背

寇軍寨五十間南禁軍寨三十二間拱衛軍寨百一

十三間開兵寨四十間延陵巡檢寨在鎮內經山

巡檢寨元在經山側今移在練湖埂上去縣二十里包

港寨在永濟鄉潘莊之東守臣待制傅伯成奏請創置禦
江盜始以防江軍兵更守今撥寨兵守之 牧放寨基在
上尚德鄉縣東北十里今廢為民田 西津寨在縣西北
五里大江岸上 團山寨在縣東南五十里團山下戰艦
都統司戰艦數內車船在江南岸斷妖港擺泊戈馬船海
船輕船多漿在下鼻港擺泊而竄船海秋等却在江北揚
州岸擺泊設有緩急非大潮汎倉猝乘駕慮不及事嘉定
甲戌奉旨令鎮江都統司開濬本府海鮮河那移江北戰
船一就江南稍泊從守臣待制史彌堅之請也按建炎二
年六月言者以為東南武備利於水戰宜於江上廣造戰
艦列於南岸己卯詔沿江措置限一月畢審北則戰艦在
江之南中興初固以為便矣

嘉定鎮江志卷十

嘉定鎮江志卷十一

居宅

晉刁韞宅在城西南四里近宅有橋韞因毀為航號長廣航

梁武帝宅基在塘頭村即位幸舊宅觀舊井井上築臺並
兒時所植麒麟碑篆字記云梁簡文帝陵有麒麟碑尚存
唐張祐字永吉元和中作宮體小詩解曲艷發窺建安風
移以曲阿地古澹有南朝之遺風遂築室植木而家焉顏
室後經其故居已易地主詩見類集

陸澧宅在丹陽嚴維有自雲陽歸晚泊陸澧宅詩見類集
程德輿宅在練湖上德輿有送其叔赴晉陵詩序云德輿
舊居丹陽去晉陵百里又有憶江南舊居詩曰結廬常占

練湖春歲久莫識其處

南唐林仁肇宅在今之朱方門外一里後為故相蘇頌居

第頌以仁肇忠勇乃為立廟于宅之東側

蘇氏仁肇廟今

在蘇州

在前軍寨之山上甚小賢善大夫陳翊築室京口徐鉉有

送翊還鄉序有云戴仲若軒垂之地不減風煙蒲真人鹿

跡之鄉依然川域詳見徐鉉集

故相秀國陳升之宅在朱方門外范公橋之南蘇氏族訓

載之甚詳今為後軍寨并酒海酒庫京口集有升之營所

居詩及沈括陳丞相宅避暑詩括筆談云秀公治第於湖

極為閎壯宅成已疾甚惟肩與一登西樓舊總所中酒庫

相對運河東岸側有秀公亭後廢

翰林學士三司使沈括宅在朱方門外之東自誌云翁年

三十許時嘗夢至一處登小山花木如覆錦山之下有水
澄澈極目而喬木翳其上夢中樂之將謀居焉自爾歲一
再或三四夢至其處習之如平生之遊後十餘年翁謫守
宣城有道人無外謂京口山川之勝邑之人有圖求售者
及翁以錢三十萬得之然未知圖之何在又後六年翁坐
遣戍謫廢乃廬於潯陽之熨斗洞為廬山之遊以終身焉
元祐元年道京口登道人所置之園坵然乃夢中所遊之
地翁歎曰吾緣在是矣於是棄潯陽之居築室於京口之
隱巨木翁然水出峽中停焚香繚環地之一偏者日之夢
溪溪之上聳為邱千木之花緣焉者百花堆也腹堆而廬
其間者翁之棲也其西蔭於花竹之間翁之所憩殼軒也
京口其有軒之瞰有閣俯於阡陌巨木百尋闕其上者花

殼軒詩

推之間也據堆之萌集茅以舍者岸老之堂也背堂而俯
於夢溪之顏者蒼峽之亭也西花堆有竹萬箇環以激波
者竹塢也度竹而南介途瀆河銳而垣者杏簫也竹間之
可燕者蕭蕭堂也陰竹之南軒於水滢者深齋也封高而
口可以眺者遠亭也居在城邑而荒蕪古木與豕鹿雜處
豕有至者皆口口而去而翁獨樂焉漁於泉舫於淵俯仰
於茂木美蔭之間所慕於古人者陶潛白居易李約謂之
三悅與之酬酢於心目之所寓者琴碁揮墨丹茶吟談酒
謂之九客居四年而翁病涉歲而益羸濱槁木矣宣翁將
蛻於此乎

長興集今半為前軍寨

故相魏國公蘇頌宅在化龍

化今曰

與陳升之宅相近即林

仁肇故居也頌新居成次七弟大夫頤有版築多遺址經

營信昔緣之句注舊址乃林仁肇故宅版築時猶有舊軌
甃林亦溫陵人而家此今余居有之信非偶然耳頌始建
第皆法故相杜衍務為儉素曾肇銘頌之蓋曰築第京口
佳庇風雨蘇氏諱訓曰頌以宮使居化龍之新第著百韻
詩代家訓具述祖先基業平生艱勤訓飭子孫俾謹守家
法無墜世緒

知院蔡卞宅在登雲門表與莊定公王存宅相近舊有閣
曰元儒亭會之閭徹宋御書額其地今為右軍寨
中書侍郎劉達宅在長橋之南建炎末為宣撫司
副王宅在丹陽縣南一里後捨為朝陽寺

樞密副使邵亢宅在耿岡

中書舍人蔡肇宅在竹塘村 陳輔居縣之南郭

金壇縣

參知政事張綱宅在金壇縣西之希墟村又知樞密院事
湯鳴舉宅在東之小墟村紹興丁丑二公並為執政邑人
呼張為西府湯為東府云

陵墓

丹徒縣

宋興寧陵在縣東南三十五里武帝追尊曰孝皇帝諱昶
初仕郡為功曹元和郡縣志孝穆趙皇后本傳高祖之母葬

丹徒縣東鄉諫壁里青山陵曰興寧 孝懿蕭皇后本傳
孝皇帝之繼室亦葬丹徒興寧陵前時年八十一遺令曰
孝皇背世五十餘年古不祔葬且漢世帝后陵皆異處今
可於營域之內別為一塋孝皇陵墳本用素門之禮與王

者制度奢侈不同婦人禮有所從可一遵往武乃開別壙
與興寧陵合墳初高祖微時貧約過甚孝惠之祖葬禮多
闕高祖遺言太后百歲後不須祔葬至是故稱后遺令施
行 胡婕妤本傳文帝之母葬丹徒陵曰熙寧滎陽廬陵
衛陽三王墓並在城東

齊宣帝休安陵在縣北二十八里高帝父也追尊為宣皇
帝

景帝道主永安陵在縣東北二十六里明帝父也追尊為
景皇帝

高帝道成泰安陵在縣口三十一里

武帝顯景安陵在縣東三十二里

明帝驚興安陵在縣東北二十四里

並元和郡輿地志云

秦安陵景安陵興安陵在故蘭陵東北金斗山其中邱垓
西為齊梁二代陵口有大石麒麟辟邪夾道有亭有營戶
守典之四時公卿行陵乘彫輿自方山由此入蘭陵升安
車招傳驛置以至陵所

梁文帝順之建陵在縣二十五里武帝父也后張氏謚文
獻合葬

武帝衍修陵在縣東三十一里后郁氏先葬天監七年詔
修建二陵周回五里內居人賜復終身大同十年武帝駕
幸蘭陵謁建陵有紫雲陰覆陵上食頃乃散帝望陵流涕
所露草皆變色陵傍有枯水至是流水香潔辛丑哭於修
陵詔曰朕違桑梓五十餘載展敬園陵但增感慟園陵職
司恭事勤勞並賜位一階并加頒賚唐正觀十一年詔令

百步禁樵採

簡文帝網莊陵在縣東二十七里簡皇后王氏合墓詔曰
簡皇后窀穸有期昔西京霸陵因山為藏東漢壽陵流水
而已朕屬值時艱歲飢民弊方欲以身率下永示朴厚今
所營莊陵務存儉約有港名蕭港直入陵口陵前石麒麟
高大餘中即至陵所初甚難陵近二十餘步急如躍走時阿
以為瑞帝不悅終有侯景之亂按建康寶錄及隋志曲阿
縣建陵隨口石麒麟起葬皆在大同十二年與志異又碑
曰太祖文皇帝之神道武帝父順之任爵為領軍將軍封
昭相侯武帝即位迎奉為文皇帝廟號太祖見姚思康齊
書及南文并建康寶錄武帝大同中作石麒麟乃置於此
蓋至歐陽脩集古目錄乃以此碑為宋文帝長寧陵自在此
蔣山見沈約宋書及建康寶錄甚明此乃梁
文帝建陵神其八字與文帝廟諡偶同爾
吳孫氏墓在城南按孫氏諸陵堅曰高陵在曲阿權曰蔣
陵在鍾山惟策在丹徒為許奇之客所害後權稱號追謚

策曰長沙威正字北王陳壽嘗言割據江東策之墓北權

尊崇未至故此不稱陵而稱墓類集謂孫氏陵在城南復

取何遜行經孫氏陵詩附之誤矣蓋遜所題乃權墓也

邨雲墓陳時東征北軍於丹徒盜發雲墓見建康實錄

褚裒墓在城南七里

南唐徐知諫妻贈東平郡君呂氏墓在普濟院之左知諫

記文尚存乾正三年己丑沙門金威立石

聖宋兗王李從諫墓在城南之望城埧俗呼為兗王墳其

石翁仲一尚在通吳門內河西岸聖井子之旁

京西轉運使蘇舜元墓在五老山瑞明殿學士蔡襄銘

尚書左丞莊定王存墓在仙風里翰林學士曹肇銘

祠部員外郎秘閣校理贈少師王介墓在蘇山東荆園文

公王安石文忠公蘇軾皆有執紼見集中 介之子延康
殿學士王漢之墓在黃杜村馬鞍山中書舍人程俱銘
光祿卿王罕及其妻夫人狄氏子昭州平樂縣主簿路並
墓崇德鄉永安里丞相岐國公王珪銘

禮部郎中米芾墓在黃鶴山中書舍人蔡肇銘 芾之父
左武衛將軍贈中散大夫母贈丹陽縣太君閻氏皆墓於
此山

同知樞密院事林希墓在馬跡山門下侍郎許將銘
尚書左丞謐安惠鄧潤甫墓在下鼻塘

秘書監知應天府程思墓在鐵爐山 思之孫兵部侍郎
翟統墓亦墓其山之東南阜

朝散大夫知楚州陳向墓在長山之白雲崗內翰林沈括銘

丞相文肅曾布墓在長山之相公灣 布之子左奉議郎

知舒州曾縑墓丹徒鄉內翰江藻誌

正議大夫曾口墓在獨市村

朝散大夫提點杭州洞霄宮蔡淵墓東霞山翰林學士毛

友銘

吏部尚書蔣猷墓前志云在五州山之西阜今按內翰汪藻誌猷墓乃云墓明州鄞縣恩翔鄉隱學士之東園未知孰是故兩存之

中書侍郎劉達墓在汝山其子居實自為誌

資政殿學士趙野墓在園山之陽靖康初野遇高彥為賊所害紹興中招魂墓此

觀文殿學士趙忠簡公澤墓在京峴山顯謨閣學士魯懋

銘近守臣吏部侍郎俞烈重建饗堂

承議郎和真州劉公彥墓在金山寺地內

資政殿學士詹度墓在白象山今其族居縉雲

供備庫副使贈武顯大夫向子羊墓在官塘橋西北長樂山朝議大夫吳說碣子羊子所生母永康縣太君夏氏妻靜安縣君曾氏及其子婺州義烏丞游沂州司刑曹涂監行在贍軍北酒庫微建康排岸津皆墓於此山第六子直徽猷閣判湖北路轉運副使洵之妻令人俞氏及其子奉議郎通判常德府士裴墓在長山

龍圖鄭墓在謝家灣

殿丞周墓繆家山南

尚書郎洪墓在繆家山

運使高墓在官塘橋東

兵部侍郎張頡墓在橫山尚書交景夏誌

通奉大夫淮南運判孫蓋墓在馬鞍山

後湖居士蘇庠墓在馬跡山金橋村大萊

知處州柳仲永墓在黃茂山

節度使魏勝墓在汝山之漩水灣

都統制謐毅武王勝墓在城西朱家灣

成肅皇后父謝翼王墓在鶴林門之東南

太原郡侯贈節度使王剛墓在城南七里塢

直顯謨閣呂權墓在汝山之漩水灣

嘉齋先生真州教授周孚墓在檀山

朝奉郎通判范邦彥墓在京峴山南

朝請郎西外宗正丞張大允墓在寶蓋山

卿貢進士姜謙光墓在鰲家山松塔灣

湖州敎授陳珙墓在義里卿分流村西

朝請大夫知辰州王萬全墓在白虎山

建康府敎授田曉墓在京峴山北馬鞍山

步帥果州團練使劉超墓在長山

中奉大夫成都運判霍堯墓在汝山

權口司左領衛將軍張良顯墓在長山

殿帥節度使郭鈞墓在長山

宣義郎將作監主簿馬元頌妻榮氏合墓

下

贈少師應安道墓在長樂卿青山

武義大夫何淮墓在京峴山南西營村

總管左領衛將軍李帥閔墓在長山

迪功郎常州武進縣主簿孔璿墓在丹徒鄉園山之陽

孔

四十九世孫建夫南渡後寓居回墓於此

成忠郎孔珪墓在丹徒鄉園山之陽璿之弟

孫堅墓在吳陵港土人至今稱為孫墳以其最大異於他墳又呼曰大墳按堅征襄陽為黃祖所殺吳志及建康實錄皆言還葬曲阿後權稱尊號謚堅武烈皇帝墓曰高陵晉周氏墓在延陵西六里包氏墓在縣後一里

包氏墓在延陵北一里

宏偃將軍墓在石羊子有八冢大小相接按蔡佑雜記云丹陽縣北瀕河十八里地名石羊子有牧童見雉雞逐之入土穴中遂告其主人夏里正即穿其穴乃一大冢繼為

人所告就獄具訊有碑石碎而沉於練湖中求之不獲云
是宏偃將軍墓梁朝人追取到銅器制度皆不甚古或云
為縣所易墓有四室在旁中間一室二廈開是時余官京
口目覩茲事乃政和丁酉歲也

聖宋三司鹽鐵判官邵師墓在彭泉村御史兼行陳珠誌
龍圖直學士邵必墓在山下必之子通判邵約文墓在山下
樞密副使邵元墓在秋壇村

將作監主簿章友直墓在縣金山之東園荆園文公王安
石銘

直秘閣知府昭軍俞長吉之墓在經山

隱居黃從周墓在呂城之東南五里

金壇縣

溪左坂墓在縣北一十八里毗陵先賢傳云祇字伯鸞曲
阿人累拜尚書左丞京師稱其清高後遷會稽太守
左忠墓在縣南一十八里先賢傳云忠字思和曲阿人凡
為七邑所至有異政

吳左思墓在縣北一十八里先賢傳云思字公行雲陽人
材量雄偉孝行純篤累遷會稽餘杭長沙三郡守

吏部東陽太守袁宏墓在縣北一十五里

周祗墓在縣北七里按建康實錄祗為國子博士宋武帝
遣劉敬宣伐蜀祗以書諫帝不從敬宣果無功而還
宋司空錄尚書徐羨之墓在縣西南二十里羨之東海郡
人

梁中書舍人給事中王國侍郎袁興祖墓在縣東一十三

王興祖字道生捨所居宅為法中平等寺勒碑紀實
散騎侍郎已陵太守潘闢之墓在縣東二十五里闢之字
文昌廣城多能為琅邪已陵二郡太守

唐戴叔倫墓在縣南三里翰林學士右補闕梁肅撰神道
碑

聖宋屯田郎姚闢之族弟姚存族姪純孟皆嘗知某縣時
顯者稱長官二人葬金壇鄉人稱之至今曰姚長官墳
知岳州陳孝威墓在上元鄉之西張莊

中書侍郎謚忠穆張慤墓在上元鄉望張之原

正丞蘇嘉墓在上元鄉去茅山十里郡人蔡雍誌

徽猷閣侍制曾統墓在方山之原統之孫吏部尚書曾映
亦墓此山

孟賢文閣知建康府張鎮墓在縣西方山

右文殿修撰知桂州張君青墓在元鄉之西張莊

大理少卿諱知柔墓在縣西強塘之原

右司口知常州莊必強墓在縣東五里橫堰

參知政事諡文簡張綱墓在希堰

知樞密院事諡敏肅湯鵬舉墓在小堰

大理卿吳爰如墓在上元鄉三塔之原

奉直大夫知吉州王萬樞墓在上元鄉白水塘之原

雲茅居士劉家慶墓在方山之麓

柏田提舉堦閣墓在唐安鄉南戴莊

古蹟

宋志孝建二年四月甲辰延陵得古鐘六口徐州刺史竟

陵王誕以獻 陳口定中有人發郿惜家見惜尸如生得
古銅器十餘有鄭康成所書或左氏書盲惜手注其後云
得於廣固鄆伯道鄆云石勒軍發康成塚得之又有所筆
並題人名 建康寶錄陳時東征北軍於丹徒盜發晉郿
墓蓋大復王羲之書及諸名賢遺跡

因話錄 唐兵部員外郎李約有山林之致不好俗瑛多
蓄古器在潤州嘗得古鐵一片擊之清越又養一猿名生
公常以隨逐月夜泛江登金山擊鐵鼓琴猿必嘯和傾壺
達夕醉而後已 約又於焦山得一石號寶峯載歸洛中
觀音寺銅鐘楊氏將安仁義所鑄

招隱寺銅鐘李氏所鑄

國文纂異潤州曾得玉磬十二以獻張率更叩其一日晉

某歲所造也是歲閏月造磬者法月數當有十二今闕其一宜於黃鍾東九尺掘必得焉求之如言而得

聖朝太平興國中丹徒縣令王紀改築縣牆掘地得石函驗其刻文梁大同五年道人法序瘞真身舍利於此函中銅龕一龕中銀合一合中銀瓶二舍利七粒存焉而銅龕復有刻文則唐正觀十二年再加營奉掌役者張遇口獲之以獻遇感正觀在已因投慈雲寺為沙門易名口真端拱元年夏四月八日遷之於郡之甘露寺東隅建浮屠散騎常侍徐鉉記略曰是郡也揚州之都會京口之重鎮六代之風流人物綜萃於斯三吳之山川林泉肇發於此高深自改氣象常存云云見集中